

բացրեց մարտիկները տրամադրութիւնը: Յուլիս 8-ին Բիշեքախովի գործ-
մասը յաջող կռիւներ ունեցաւ Քիւրդամիրի ճակատում: Նոյն օրը թիւրքերը
յարձակեցին Շամախիի վրա, բայց հանդիպեցին սասախի դիմադրութեան:
Յուլիս 9-ին, բազուեցիները անցան հակայարձակման, և թիւրքերը լուրջ
կորուստներ կրելով և խոշոր աւար թողնելով՝ նահանջեցին: Յուլիս 11-ին
բազուեցիները զազարեցրին հետաանդումը՝ վերագրաւելով Շամախիի դէր-
քերը: Նոյն ժամանակ կռիւներ սկսեցին և Բագուի գորքերի ձախ թևում ու
կենտրոնում: Երեք օր տևող ճակատամարտերից յետոյ՝ բազուեցիները
չգիմացան ու յետ քաշեցին՝ բռնելով Կերար կայարանը: Յուլիս 20-ից
սկսեցին մի շարք նոր արիւնահեղ կռիւներ. Բագուի ուժերը նահանջեցին
Շամախիից էլ. գորքի հետ հեռացաւ և շրջանի ամբողջ հայ բնակչութիւնը:
Քայլ առ քայլ, անվերջ կռիւներով՝ յուլիս 26-ին գորքն ու ժողովուրդը
հասան մինչև Սուրբալան, իսկ կենտրոնի ուժերը՝ մինչև Ալեաթ՝ ճանա-
պարհին ոչնչացնելով ամէն ինչ:

Յուլիս 26-ին խարէութեամբ, լքելով իր դիրքերը, Դերբենտի շրջանը
փախաւ դեռ. Բիշեքախովը՝ տանելով հետը իր գործմասը: Նոյն օրը Հայոց
Ազգ. Սորհուրդը թիւրքերի արևելեան ճակատի պետ Մուրսել փաշայից
ստացաւ մի գրութիւն, որով առաջարկում էր վերջ տալ կռիւն և քաղաքը
յանձնել իրեն:

Միւս կողմից, անյաջողութիւնները ճակատում շարունակում էին:
Յուլ. 27—28-ին թիւրքերն արդէն քաղաքի տակ էին՝ Բիրի-Հէյբաթում ու
Բալաշարիում: Մի գրոհ ևս, և Բագուն կրնկնէր: Յուլ. 28-ի գիշերը ժողո-
վրդի մէջ ծայր էր տւել խուճապը. հայերից և օտարներից ոմանք
պատրաստուում էին յանձնել քաղաքը:

Դրութիւնը դառնում էր յուսահատական: Ի՞նչ անել, ո՞ւմ դիմել:
Ռուսաստանից յոյս չկար. Ստալինն ինքը, դեռ յունիսին, թախանձազին
խնդրում էր Շահումեանից «ամէն կերպ (ղէնքով, մարդով) օգնել Թուրքես-
տանին, որի գլխին անդլիացիները, Բուխարայի և Աւղանիստանի վրայով,
աշխատում են վատ խաղ խաղալ»: Մնում էր աղօտ հաւանականութիւն
օգնութիւն ստանալ «երրորդ ուժից»՝ անդլիացիներից, Պարսկաստանի
վրայով: Եւ այդ հարցը դրեց բանւ., զինւ., նաւաստ. և դիւղացիական
խորհուրդների պատգամաւորների և շրջանային խորհուրդների, նաւային
կոմիտէների ու կովկասեան կարմիր բանակի Ռազմա-Յեղափոխ. կոմիտէի
արտակարգ նիստում, յուլ. 27-ին: Շահումեանը մի ընդարձակ ճառով
աշխատեց համոզել, որ անդլիացիներին հրաւիրելը հաւատար է յեղափո-
խութեան պարտութեան, որ, աւելի լաւ է հաշտութիւն կնքել թիւրքերի
հետ, բայց անդլիացիներին հրաւիրելու մտքից յետ կենալ: Սակայն և այն-
պէս, ժողովը միաձայնութեամբ, ընդդէմ բոլշևիկների, որոշեց օգտուել
անդլիական ուժերից: Փաստօրէն այդ որոշումը խորհրդային իշխանութեան
վերջն էր, բայց ժող. Գործ. Սորհուրդը մի քանի օր էլ չհրաժարեց և,
ամենքից զաղտնի, սկսեց տենդազին փախուստի պատրաստութիւններ
տեսնել: Յուլիս 28-ից մինչև 30, գիշերները, նաւերի վրա փոխադրեցին